

МАЙТЬ

13-це шистонза 1941 кизоня

53 (1849)

ПИТНЕЦ 10 тр.



Комсомолю Вайгяль

ВЛКСМ-нь МОРДОВСКИЙ ОБКОМЪ И САРАНСКИЙ ГОРНОМЪ ГАЗЕТАСНА

ЛИСЕНДИ

9-це КИЗОСЪ

Адресъ: г. Саранск,
Советская ул., Дом печати.

Иттенди—цебяръ ваймама!

Тонафнема кизотъ аделаво-манцы лядс пингта пик ержа. Максом лама вида отличнаста и цебярста тонафнемати, итне кармайтъ кизонда интереснаста ваймосема. Тя кизотъ лама учащай кармайтъ ваймосема пионерскый лагерхненъ эса, молихъ туристскый экспедицияс и походе. 4.500 идъ молихъ масовой пионерскый лагеря, 7.300 идъ ули фатяф походно-полевой лагерес.

Тя кизонда васенцеда сувафневи иттенъ ваймамаснон организовандамаса од форма—вете шис походно-полевой лагерхъ, конатненъ участника физически шумбрат и возрастена аф 12 кизода ёмла.

Тяниенъ пингтъ школатненъ эзга старшай пионервожатайхненди эривихъ анокламе пионерхненъ лагернай сборхненди. Эриви этафнемс строевой подготовка, тонафтомс синъ маскировка, сигнализация, топография элементарнай правилатненъ мархта.

Оцю работа этафты экскурсионно-туристскый республиканскый базасъ исторический памятники тонафнемаснон коряс, конат ащихъ Мордовия территориясозна.

Пионерхне кармайтъ тонафнемоет райоттненъ, коса синъ эривихъ, республикаты. Тяниенъ школатненъ, пионеронъ куттненъ видеса пуроптовихъ экскурсионно-туристскый группат, конат кармайтъ витема интереснай работа научнай работникненъ, преподавателхненъ, опытной специалисттненъ руководстваснон ала.

Лагеряда башка сядот идъ каникулатненъ пингста кармайтъ участвованда туристскый похоттненъ и экспедициятненъ эса, конат этафовихъ Великий Октябрьскый социалистический революция 25-це годовщианц честьс.

Ня похоттненъ и экспедициятненъ задачасна ащи синъ эса,

штоба вишкоптемс туризматъ школьникненъ ёткас, штоба кемоктамс синъ шумбрашиснон, тонадомс эсь районцнон, привить тейст обороннай навикат.

Тя периодст итне кочкайтъ лама материалда школати. Сембе ня материалхне улихъ няфтьфт «Минь районныке и ошеньке» выставкас. А инъ выдающахне сатыхъ права примамс участия Москуса «Наша родина» выставкас.

Тя кизонъ июль ковста этафовихъ идень творчестванъ олимпиада, изобразительнай искусстванъ олимпиада, спартакиада, пионерхненъ и школьникненъ военно-физкультурнай Всесоюзнай соревнованиясна.

Сембе ня мероприятиятненъ организована этафтомасна максихъ возможность иттенди разумнаста ваймамс.

Юнай техникне, натуралисттне, жувататненъ лангса шефне кармайтъ мольфтема эсь работаснон педагогкненъ, старшай пионервожатайхненъ руководстваснон ала. Ламосна учащайхненъ кармайтъ совмещать разумнаста ваймаматъ колхозса полезнай работатъ мархта.

Кизонъ периодств эриви использованда военно-физкультурнай работатъ келиста развертываниянцы. Тяниенъ пингтъ эриви кярмодемс спортивной площадкатненъ, читальнятненъ оборудованаснонды: анокламе васта кружокненъ эса занятитненъ этафтомаснонды.

ВЛКСМ-нь горкомтне, райкомтне, школьной комиссиятне, народнай образованиянъ отделхне должет тщательнаста кярмодемс пионерхненъ и школьникненъ кизонъ ваймамаснон организовандаманцы анокламати. И ушедомс тя анокламанъ работатъ тяникиге.

Иттенъ колга оцю заботатъ вельде можна максомс здоровай ваймама, штоба сай тонафнема кизотъ васьфтемс бодрайста и шумбраса.

ПАКСЯТНЕНЪ ЭЗДА

Организованаиста молихъ паксянъ работатне «Марстонъ вий» колхозса. Шархкодемс цебярста СССР-нь СНК-ть и ВКП(б)-ть Центральной Комитетонц колхозникненди дополнительнай пандоматъ колга марттъ 13-це шинъ постановлениаснон, сембе колхозникне вишкста мольфтьсая работан темпснот.

Сокамата и видемста колхозникне нормаснон пашкотъкшнесазъ вельф. Плугархне нормаснон пашкотъкшнесазъ 125—130 процентс.

Паксянъ явонф звенава, коза кемокстаф 18 звеновод. Сембе звенатне соревновандайтъ, штоба сатомс оцю урожай.

В. Вишняков.

П. Селища, З.-Полянскый район.

Паксянъ работаса оцю мальяса работайхъ Сире Сомай ве-

ленъ «Якстеръ знамя» колхозонъ колхозникне. Пахархне нормаснон пашкотъкшнесазъ вельф.

Бригадатне эсь ётковаст соревновандайтъ, штоба инъ курокопъ пингтъ аделамс паксянъ работатненъ: сокаматъ и видематъ.

Кубасов.

Рыбкинскый район.

Порапа веленъ Карл Маркстъ лемса колхозса колхозникне радостнаста васьфтез паксянъ работатненъ. Омбоце бригаданъ пахархне: Ив. Пономаревъ, Ф. Ануфриевъ и лянте сокамста нормаснон пашфнесазъ 150 процентс.

Мих. Чемашкин.

Бовылкинскый район.



«СССР Н-169» самолеть экипаже

СНИМКАСА: Кержи ширде видити (вяре) самолетьон командиръ И. И. Черевичнайсь, научнай группанъ начальникъ Я. С. Либинъ, штурманъ В. А. Аккуратовъ, омбоце пилотъ М. Н. Каминский и гидрологъ Н. Т. Черниговский. Омбоце рядса магнитологъ—астрономъ М. Е. Острекнинъ, радистъ А. А. Макаровъ, омбоце борт-механикъ В. Н. Борукинъ, колмоце бортмеханикъ А. В. Дурманенко и васенце борт-механикъ Д. П. Шепуровъ

Фотосъ ТАСС-ть.

Высокоширотнай экспедицияс сась Москуву

ПЕРЕЛЕТЪ УЧАСТНИКОНЦОН ЦЕНТРАЛЬНАЙ АЭРОПОРТСА ВАСЬФТЕМАСНА

11-це майста 5 частста 37 минутаста побдава «СССР Н-169» самолетьс кеподс Архангельскыйт маласа ловса вельхтяф аэродромтъ эзда и тусь Москутъ шири.

Шить 12 частста самолетьс эвондасъ столицатъ велькс. Экспедициянъ отважнай участникненъ Московскый аэропортса васьфтез прославленнай полярникне, летчикне, арктический мореплавателхне, советскый печатъ лама представителенза, а тяфта жа роднойсна и ялгасна. Васьфтихненъ ётка—Папанин, Ширшов, Мазурук, Водопьянов ялгатне и лиат.

Валгомк Московскый аэродромти, экспедицият сембе 10 участниконза валгондыхъ воздушнай корабльтъ эзда. Полярникненъ сивавакса приветствондасазъ и поздравля-

дасазъ заданиятъ успешнаста пашкодемани мархта, максихъ тейст панфонъ 10 букет.

Самолеть командиръ Черевичный ялгасъ эсь юрххяня речсонза азозе:

—Коса ба афоль уле минъ экспедициянъке, минъ фалу марьяск минъ могучай родинанъ конъ заботанц, родной народонъ конъ вниманинц. Работасъ, конанъ минъ тиескы, тиесви и анок сонъ тиймонза любой советскый ломанц, любой патриотъ. Фалу и сембе вастса минъ инголенк ащесъ Сталин ялгатъ вдохновляющей и кельгома образон. Минъ фалу аноктама любой заданиятъ пашкодеманицы, коза ба минъ афолемазъ куче родинанъке.

(ТАСС).

Обсуждают михайловецненъ сёрмаснон

Живой отклик мусъ Ромодановскый районъ Михайловка веленъ од ломаттненъ сёрмасна колхознай велети культурнай видонъ тиематъ колга.

Мельцанскый районъ комсомольскый организациятне оцю мялса эсь собранияснон эса обсуждають тя сёрматъ эса. Тяфта Шигонскый, Пятинскый, Александровскый комсомольскый организациятне, обсуждаюмок тя кизефкъс собранияс, лихтстъ лама конкретнай мероприятият. Синъ тистъ ни улычатненди культурнай вид, тистъ порядка эшихненди.

Комсомолецненъ тя инициативаснон поддерживають колхозникне. Синъ, ваномок комсомолецненъ примерснон лангс, примосихъ активнай участия колхознай велети порядканъ тиемаса.

Лунченкова.

НАРКОМИНДЕЛСА

СССР-ть и Иракъ ёткас отношениатненъ колга

1940 кизотъ пестонза Иракъ правительства Турцияс эсь посланниконц вельде аф вестъ марьгондс СССР-ть правительстванцы ладимс СССР-ть и Иракъ ёткас дипломатический отношениат. Тяка пингтъ иракскый правительствасъ азондс мяль, штоба советскый правительствасъ, дипломатический отношениатненъ ладямаснон мархта фкия пингста, печатлалъ декларация арабскый странатненъ, сяконъ ёткас и Иракъ, независимостьснон признаниянц колга. СССР-ть правительствасъ, лувомок цебаренди СССР-ть и Иракъ ёткас дипломатический отношенианъ ладяматъ колга предложениат, ашезе лувонда, однака, возможнайкс обусловить тя кизефкъс

кодама-либа декларациянъ печатламаса. Тяфтама смыслас эста ульсь максф иракскый правительствати ответ, несть инкса и лоткасть переговорхне.

Тя кизонъ 3-це майста иракскый правительствасъ Анкараса советскый посолтъ вельде тага марьгс ладимс дипломатический отношениат СССР-ть и Иракъ ёткас, аф путнемок тяниенъ пингтъ дипломатический отношенианъ ладямада башка кодамовок лия условия, кода арабскый странатненъ колга декларацияс.

СССР-ть правительствасъ валхтозень эсь возражениянзон и примазе иракскый правительстватъ предложенианц дипломатический отношенианъ ладяматъ колга.

ПРЕДПРИЯТИЯ ТРУДОНЬ ОЦЮ ПРОИЗВОДИТЕЛЬНОСТЬ И ЧИСТОТА И НКСА

ПЯШКОТЪКШНЕСАЗЪ XVIII-це ПАРТКОНФЕРЕНЦИЯТЪ РЕШЕНИЯЗОН

Обсудиваюм XVIII-це партконференциятъ решениязон, консервной комбинатонь комсомолецне лихтеть конкретнай мероприятия. Путеть эсь инголет задача — сатоме трудонь оцю производительность, небяргофтомс полдзи продукцият качества, тюремс рабочей васттень эса чистотат и порядкат инкса.

Комсомолецне няезь, што бракс лисенди тоса, коса аш надлежащай порядкат и чистота, коса аф шарфневи миль инстументтень шири. Тяде меле комсомолецне кармасть лездом партиейной организации технологический процесст состояниини небяргофтомаса. Резаева комсомолкась васенцеда няфтезе, што аныцек инстументтень мельге небяр ухотдт пингста можна сатоме оцю производительность. И виде сон эрь ковня пашкотъкшнесы выработкань норманц 150—170 проценти.

Сявомок пример сонь эздонза, лия комсомолецневок и аф союзнай од ломаттне тисть эсь рабочей вастозост порядкат. И ты работати, кода результат, арась ся, што лама комсомолец нормасон кармасть пашкотъкшнema вельф.

Нолдави продукцият качествавац пик кась мекольден пингт. Кда инголи ульсь продукцият качества пик елма, то тани качества проценти пашкотъкшни 95—98 проценти, а предмайский соревнованият пингста пашфгф 100 проценти — высшай сорте.

Тяниень пингт рабочей васттне ашихт санитарно-гигиенический отношения отличнайста. Эрь рабочей тинди работада меле чистка эсь аппаратуранцы.

Вишкста моли тюремась потеряттень каршес. Сырьсь тяниень пингт пшай марнек использовандакшневи.

Тихонов.

СТАХАНОВЕЦНЕНЬ КАСОМАСНА

Наталия Михайловна Буралкина консервной комбинатса работай сисемне кизось. Мзырда сась сон производствав, ульсь малограмотнай и пик кржа содась производстваса работамат колга. Сонь работасонза васенце аськолкекс аши котелхнен штамасна.

1936-це кизось эри знаменательнай датас од стирнят эрифса. Наташась макссь заявлянд колга. Консервной комбинатонь комсомольский организациясь сонь эняльдеманц пашкодезе, кода небяр работничань, стахановкань, примазе Ленинско-Сталинский комсомолбь ридонзонды.

Васень пингстакиге комсомольский организациясь кармасть макссема тейнза оцю лезкс производстваса работань процесст тонадомаса, лездсь тейнза получае квалификация. И эсь упорнай трудонц вельде сон сатни консервной цехса желовщицань квалификация. Тюремок оцю виьса нолдави продукцият касфтоманц

и небяргофтоманц инкса, Буралкина ялгась ари лучшей производственниконь — стахановецонь ряттнени.

Аф аныцек сонц няфни работасонза стахановский показательхт, но и лезды эсь ялганзонды арамс стахановкекс. Сон эсь профессионалзонза тонафтозень Ершова, Кукурина, Волкова комсомолкатнень.

Производительность касфтоманц инкса социалистический соревнованият вельде, выработкань норманц пашкотъкшнесы эрь ковня 180—185 проценти.

Сон аф аныцек небяр производственница, но и активнай общественник. Аккуратнайста пашкотъкшнесыне комсомолонь комитетт шириде максф поручениятнень. Машфтозе эсь аф содамашиц. Тяниень пингт работай небярста эсь идейно-политический уровеньн касфтоманц лангса, тонафнесы ВКП(б)-нь историят, лувонды лама художественнай литература.

Панькин.

РАБОТАН СЕМБЕ СЛОЖНОЙ АППАРАТТНЕНЬ ЭСА

Кота кизот работан ни консервной комбинатса. Но кодама жа сатонь сатфкста ня кизотнень пингста. Сань комбинату работамс профессияфтома. И шархкотъф, што квалификация работас путомс монь ашель кода. Сяс мес аныцек эста васенцеда васендён производствань сложнай техника мархта. И путомазь аппаратурань штама.

Лама сашендовсь путомс виьда сянди, штоба получае кодама-нябудь квалификация. Но аш стама трудность, конат ба синделезь ломанть волянц и виьинц. Кармань тонафнемост производственнай процесснень и кота кизоста получае несколька профессия. Отличнайста максне технический минимумонь норматнень, кась общей кругозорозе.

Насоса рабочайнди ученицань работада курокста этафтомань комбинатонь дирекциясь сложнай аппаратура работати. Тя шить мон мзырдонга аф юктаса. Сяс мес тянь

эзда сявомок тонадонь лама лия аппарата работамс.

И тани, работамок вакум аппарата, пашкотъкшнеса нормазень 148—150 проценти. Монь ялгасьт Кудрявцева Маряти васенда пик стакаль работамс. Савсь макссемс пик лама лезкста. Тяниень пингт сонга работай сложнай аппаратура алян профессияса. Марясь тяфта жа стахановка, производственнай норманц пашкотъкшнесы ламода вельф. Сонга может тани работамс лия профессияса. Любой пингста сон может работамс вакум насосонь станокса. Комбинатсонк Кудрявцевать лаца комсомолкада и аф союзнай од ломаньда лама. Тяфтамкс лувондовхт Буянкинась, Галушкинась и лият. Синь эздост ламотне примосихт активнай участия общественнай эряфть эса. Монь кочкамась ВЛКСМ-нь комитетти членкс, стенной газетань редакторан.

Саяпина.

КОМСОМОЛЬСКО-МОЛОДЕЖНОЙ ЗВЕНА

Сире Ковыляйский велень колхознай комсомольский организациясь активнай участия примоси тундань работатнень эса. Сембоц комсомолецта ты организациясь лувондови 12, конатнень эзда вейхкотне работайхт колхознай производстваса.


Максеемок колхозти оцю лезкс сельскохозяйственной инвентарт петемаса, местнай удобрения кочкамаса, комсомолецне тяниень пингт паксиян работатнень эса няфнихт трудонь оцю производительность, пашкотъкшнесазь и вельф пашкотъкшнесазь нормасон.

Комсомольский организациять инициативанц вельде пуруптф комсомольско-молодежной звена, кона ащи вете комсомолецта и колма аф союзнай од ломанень эзда.

Тундань видемань пингонди колма комсомолецт кемокстафт плугарькс.

Кильдюшкин.

Пурдошанский район.



СНИМКАСА: Рузавский железнодорожной школань ученикне-отличникне (кержи ширеста видити) — А. Субягинц, К. Шатаевсь, М. Соломоновсь, В. Чербась, Д. Адмакинц и А. Шейнц. Фотос Веретенниковъ.

ТРУДТИ КЕЛЬГОМАСЬ

Рабочай костюмса станокти комафста ащи Николай Плодомасовсь. Оржаста вань покорнай станокт резецонзон лангс. Сон тии изделият. Шарфтомок рынать, станоксь лоткас. Таргазе резецт, лихтезе зепстонза панжемать и панжезе замокса пикстаф точилкат. токсь пик вишкста кармасть точилкат шарфнема.

Мон пик внимательнайста ванонь сонь работанц мельге. Суронза шашнест, кода марьгат, тальникаса морамста. Шовазе металл керсеманц эзда ношка резецт. Анок. Резецс валдомс и оржаста. Оржа резецс — ты оцю производительность сатомаса основа.

Лоткафтозе точилкат и пикстазе замокса. Аф содамок мезе тии, мон кизефтинс сонь:

— Мезе тон тяфта тият?

Сонц, работамок эсь тевонц тдемани лангса, отвечае: — Вещась пик питни и пик эрявикс! Тяфтак сонь кадомс аш кода. Кис-кисе ношкапте резецт, а сон шовамс аф ули

мезьса.

Шарфтсь эсь токарнай станоконцы. Шарфтозе станокт гайканц, нолдазе электрический токть, и шумназевсь моторсь. Сон аноклась банкомойникти соскат.

Нежедсь ваксозонза цехонь начальниксь.

— Ты тевть кадомс эряви! Ушетт шкифс тулкань тиема.

Николайсь может тиес консервной комбинатти эрявикс изделият. Эрь гайкась эряви и содасы эсь назначенияни. Тулкась анок, тиф омбоцесь, колмоцесь...

— Нормась — вете минутати фкя гайка. А сон вете минутаста тии кафта, а кой-коста и колма! — Пивадсь сонь каршезонза ащи Кудрявцев ученикс. Синь кафцке комсомолецт и работайхт фкя лаца.

Николай тяддень кизотъ туй Якстерь Армияв службама. Сяс и оцю мильса тонафнесы военнай тевть. «Эряви таникиге улеме анок» — корхни сидеста призвыник ялганзонды. Воен-

коматса этнесы допризывнай подготовкат. И отметканза аныцек отличнайхт. Цебярста работаманкса и общественнай работай инкса получахнес аф фкя благодарность.

Сурксекс ащи серебрянный стружкатне пярихт фкя васте. Кельгсы сон тя тевть. Нльне тянь колга сонь ули кельгома мороц:

«Уходите вы стружочки, Серебрянные кружочки — Соберу потом я вас. Отправлю в амбар — запас. А потом на сплав в завод, А потом и к делу в счет». Тя сонь кельгома мороц стружкатнень колга.

— Стружкатнень стане жа эрявихт ванфтомс.

— Фкя стружоксь — ты оцю богатства, — отвечае цехонь начальникти.

— Кода, станоксь аф обижакшетаиза?

— Станоксь богатырь: антк, якак мельганза цебярняста, эста сядя послушнай ули. Эрьшина станокть работат аделамда меле ваденьды бензинца. Содасы аф калдывста эрь гай-

кат работанц. Аныцек тяфта не сон сатнесы трудонь производительность. Кизефтемок выработкань норманц, сон скромнайста отвечае.

— Сядода кржа аф эряй.

Николайть аноклаф продукцият качества фалу 100 процентнай — высшай сорт.

Консервной комбинату поступлениядонза инголе ашезе сотне, мезе стамс механический цехсь, ашезе сотне, кодама стамс токарень профессиясь. Вестенге ашезе няе токарнай станок. Колма кизода тяде инголе комбинатонь дирекциясь сязозе сонь слесаренди учениккс. Тяфта сон работакшнесь слесарнай цехса.

— Ты шалунц аф тонафтови, — корхнест кой-кона рабочайхне.

Весть кода-бди повсь механический цехть токарнай отделениязонза. Сембемалец прась слесарнай тевть тонадоманпты. Кармась арьсема электродвижущай станокт колга. Эста кармась эняльдема цехонь начальникти, штоба этафтолезь механический цеху работамс.

Эняльдеман ульсь пашкотъф. Николайть заветнай мечтац этафтовсь эряфс. Занязе токаренди учениконь вастть. Сонь 1939-це кизоня касфтозь кафта разряд, а ётай кизотъ колмоце разрядти этафтозь, тяддень кизоня — нилепети и вете не разрядтнени.

Ученикть эзда арась вете не разрядонь токар. Отличнайста работамс, содаме машинат и якамс мельганза бережнайста — ты главнайсь — корхни эсь учениконцы Кудрявцевти. Вовни омбоце кизось, кода ащи Плодомасовсь почетонь доскаса.

Сувамок предмайский социалистический соревнованият, няфтсь алак няенть сатфкт комбинатонь условияса. Нинге кивок токархнен эзда тяфтамс показателхт, кодамот сатс Плодомасовсь, ашест няфне. Март ковста тяддень кизоня норманц пашкодезе ламода вельф, а майть васфтезе 260 проценти норманц пашкодема-са.

А. Богомолов.

Литературная страница

С. Самошкин.

ШОБДА ВЕСТА

Шобда весь и вармась вяхкондсь,
Постеа матодовсь дозорсь,
Картать велькса начдивсь тяшнесь,
Морась салаваня мор.
— Равжа краня, тят паньце мельган,
Мон тейть пицакс аф улян,
Арсят, эрмать аф кельган?
Монць орелан—аф гульнян.
Ординарецть мялец касондсь,
Кулкондсь моронц командирть,
Оню мяльхть прызонза сашендсь—
Вольнайкс тиеме сембе мирть.
Весь ни ётни омба паяи,
Эсост удомась утась,
Ведсь Уралса пиксокс пяльди,
Шобда берягсь офтокс стась...
Куттнень пряса кеподсть толнят,
Лайса яксёрьготкшнесь ведсь,
Тя предательствать путф кядсь,
Акша варвархне сей полдафт,
Штабтьке крышанцы толсь педсь.
Вишкста чакордсть пулеметтне,
«Зря Чапаев тон тюрят,
Курок маштыхть тонь патроттне,
Сембе сякокс сявф улят.
Командир, пря максат, аяф?»
Всякайкс эфнесь акша зверсь.
Аф, аф максы пря Чапаев!
Кидени эзда шудесь версь.
Петькась берякть эзда ляпендсь,
Путнесь варвархненди пе,
А Чапаев лйити яцесь,
Штоба умс шуди ведть.
Не вов вишкомсь кивинь пиземсь,
Вармась оцю волнат кандсь,
Уйсь геройсь фки кядьса, сизесь,
Жольный ведсь утызе пряни.
Оню горя!.. Кода кандсась!
Орьфтьс начдивть бурливый ведсь.
Кафксть минь инксонза кяжть пандсась,
Ляпштитсь винтовка вий кядсь.
Аш Чапай. Боедне шисот!
Сембонь горясна юмась,
Командирхне: Ворошилов,
Фрунзе, Тимошенко састь.
И боецнень лакась версна,
Сембе инголи орхасть,
Тапф акшетнень пяк нярьсна,
Ляткенень песна степса сафт.

* * *

А ведсь Уралса стаки шудесь,
Шаром вастса волнась пихтьс,
И добычанц ётксот удодтьс,
Аньцек славани лангты лихтьс.

1941 г.

Г. Пьянзин.


ОХОТАСА

Тейне арам,
Ськамон эрьхкть трвасан,
Кашт аф моли
Перьфсон тундань вирсь.
Ковсь од тарвазкс
Повфатф келуть пряса,
Шуфттнень эзда
Порывсь эрьхкты цильфсь.
Сетьме,
Сетьме
Тячиень вень венельсь,
Восток ширесь
Заряса ни архтф.
Бта, мяргат,
Вирти—сене менельть,
Панчфу кужекс,—
Тяштю бокоц прафтф.
Кальхнень ала
Сенди шайхнень ёткас,
Локсинь сядазкс,—
Ковсь монь эздон кяшсь.
Эх, и эрьхке!
Кода Пушкинтъ ёфксса,—
Пяярфть вярде
Изумрудонь пияштть.
Эрьхке потмакссь
Няеви крукаста,
Варштань вдрукста—
Ведьлопшне люкайхть:
Тона бокста,
Мельпеконя, саста—
Целай стая
Вирень яксаргт сайхть!
Эх и радан!
Из юма охотась,
Арсеф мяльнень
Пяшкюдине вельф.
Апак фатяк
Тундань венясь ётась,—
Вете яксаркт
Шавонь зарянь берьф!

1941 г.

ШОЛОМ-АЛЕЙХЕМ

(Кулома шистонза сявомок
Майт 13-це шистонза топо-
ди 25 киза известной еврей-
ский писатель Шолом-Алей-
хемт кулома шистонза сяво-
мок.



Шолом-Алейхем шачсь Украи-
наса 1859-це кизоня, кулось
1916-це кизонь майт 13-це
шистонза Нью-Йоркса, коза сонь
кандозе империалистический
войнась.

Эсь литературный деятель-
ностенц ушедозе 1883-це кизо-
ня. Художникс-реалистс вы-
ступает кода еврейский бедно-
тань бытописатель. Сонь мас-
терства пяк оцю вийса
няфтезе идень эряфть эсь
«Мальчик Мотл» произведени-
яни эса. Аф стак великай про-
летарский писательс А. М.
Горький макссь тейнза востор-
женной отзыв. Сон сёрмадсь:
«Книгацень Тонь получайне,

25 кизонь топодеманцы)
лувине, рахань и аварьденъ—
чудесная книга! Книга сь тей-
не пяк кельгови, нинге весть
азса—превосходная книга! Сем-
бе сон пиякс тяфтама слав-
най, добротнай и мудрай кель-
гомада народти, а тяфтама чув-
ствас пяк редкай минь шис-
тонк».

Шолом-Алейхем сёрмадсь и ро-
маттка. Синь эздот сембодонга
пяк значительнай «С ярмарки»
автобиографический романот.

Сон няфнесне оцю вийса
капитализмань условияс «емла
ломанянтнень» обреченносте-
нон. «Емла ломанянтъ» сембе
попытканза мумс эсьтейнза
уженя капиталистический мир-
са аделакшневихть неудачаса.

Инь кельгови геройскетейнза
ульсь Тевье—Молочник, под-
линная ломань, философ и
поэт. «Тевье—Молочник»—тя
повесть XIX векть песта и XX
векть ушедомстонза еврейский
трудовой семьянь колга.

Шолом-Алейхем—мировой ли-
тератураса фки инь величайшай
юморист. Сонь юморот—тя
«сельмеведень пачк рахам».
Писательс содасы, што ломат-
тне, конатнень лангса сон рах-
си, «винафтома виноватт»;
рахсемакс синь тиезень убогай
и бесправнай эряфсь. Аф ва-
номок пичефксть лангс, шолом-
алеихемовский рахамса пяк
оцю верондама народнай тевти.

Народти Шолом-Алейхемт
верондамац нинге весть кайго-
зевсь сонь завещаниясонза, ко-
са сёрмадсь сон: «Кога ба мон
афолень кула, катк монь кал-
масамаз тоза, коса покоен-
дайхть простой еврейхть—ра-
бочайхть, настоящай народсь,
штоба памятниксь, конанц пут-
сазь монь калмозень лангс,
мазелгофнелезень монь перьф-
кан ащи простой калмотнень,
простой калмотне мазелгофне-
лезь монь памятникозень,—ко-
да простой честнай народсь
монь эряфозень пингста мазел-
гофнезе народнай писательс»
Советский читательс Шолом-
Алейхеа ащи кельгома писа-
телькс.

И. Девин.

УЛЬХТЬ СМЕЛАЙ...

Ф. Тултаев ялгазти.

Лама сёрмада получань эздот,
Лама тяшнат тостоконь кулят.
И армейский лажадомат эсот
Арсьекишат и сёрмания учат.

Мярган, тоньпке тянь
кувалма видеть
Азат тейне: дескать, видеят.
Или тяштят: учат лапон
кизоть,

А сай сёксеть армияв
лийкстат...
Пара ялгакс тейть винтовкась
арась,
Марса якать, бойска марс
туят.
Боевой тон вахтасовок,
варжак,
Ульхть пяк смелай...надиан,
улят!
1941 г.

Од ломанть образц советский
литератураса

(Читателень конференциять итогонзонды)

Эрь передовой советский од
ломанти эряви небарьста со-
дамс художественной литера-
турат, тонафнемс сонь эздон-
за эрямс, трудностнень кар-
несс тюремат, воспитандакш-
немс художественной литера-
турат коряс эсь характеронц
и кемокнемс волянц, тонаф-
немс мужественнайке улемати.
Именна ня чертатнень обязан
сувафнемс эсь эзонза минь
эпохань од ломанць. Художест-
веннай литературат лувомани
эса ащи ломанть культурнай
уровененц сереп.

Лувомок небарь книга, чита-
тельс кепсесь эсь содама-
шинц, сяда крукаста тоналс-
яе общественной явлениянтень.
Максомс од ломанти небарь ху-
дожественнай произведения—
значит няфтемс минь пингонь
передовой од ломанень образ
большевистский качества марх-
та, няфтемс ломань, кона пёф-
тема преданнай Ленинонь—

Сталинонь партияти, кона
максесы эсь вийнц минь со-
циалистический роднянконь
сядатоволдонь кемокстаманц
иякса.

Советский од ломаттненди
арасть инь кельгофикс граж-
данский войнань мужественнай
геройхнень—Левинсонть, Па-
вел Корчагинть, Ко-
жухть, Чапаевть, об-
разсна, конат максесэз сембе
вийсон народнай тевть тор-
жестванц инкса. Эрь од ло-
манць подражает тейст, ёрай
улемс стамкс, старандай
улемс синь лапост мужествен-
найкс. Сяс и художественнай
литературат значения ломат-
тнень воспитандамаса пяк оцю.

Эряфсь тиедвени сембе сяда
сложнай, лихтибракс шавихть
од событиянтень, эрь шиня со-
ветский народсь тиедди трудо-
вой фронта од победат. Эря-
фонь ня явлениянтень мушен-
лахть эсьтейст оцю васта ху-

дожественнай литератураса.

Великай пролетарский пи-
сательс Алексей Максимович
Горький корхтась: «Минь кни-
ганьконди основной геройкс
должеттама кочкамс трудть,
лиякс мяргомс, ломанть, конац
организовандаф трудонь про-
песст мархта, конац миньцонк
вооруженнай современной тех-
никань сембе мощса, ломанть,
конац эсь очередьсонза тиедн-
сы трудть сяда теждякс, про-
дуктивнайкс, кеподемок сонь
искусствань степенити». Имен-
на социалистический трудть
колга мекольдён пингть со-
ветский литератураса появасть
лама произведения, конатнень
эса няфневи труда ломанть
формированияц. Появасть про-
изведения злбодневнай тема-
тикас коре—стахановский дви-
жениянт и социалистический
соревнованиянт колга. Юрий
Крымовт «Танкер Дербент»
произведенияни эса няфневи
стахановский движениянт и со-
циалистический соревновани-
я. Кне лувозе тя книгати,
ся ламос мяляфсь Басов ме-
ханикть, кона тюрти стаханов-

ский, созидательнай трудть са-
томанц инкса. Именна трудо-
вой фронта тиеднвхть ло-
манти стама качества, конат
эрявихть коммунистический об-
ществань строители. Соци-
алистический трудть величиянц
колга Б. Полевойт «Горячая
пех» книгац пользовандай со-
ветский од ломаттнень ёткас
оцю популярностьса.

Тяфтама тематикас коре кни-
гатне арасть питни вкладкс со-
ветский литературати. Синь
эсост читательс нийсы тя-
ниень шить, советский народть
героический трудонц.

Московский комсомолецнень
и н и ц и а т и в а с н о н коряс
ВЛКСМ-нь Саранскийн гор-
комс и Мордовиян писате-
лень правлениясь майт 7—8
шинзон эзда ётафтсь од чи-
тателень ошень конференция,
коса обсуждаандакшневсть ня
книгатне. Конференцияса тиф
«Социалистический строитель-
ствас и од ломанть образц
художественнай литератураса»,
«Кога работамс художествен-
най произведениянтнень лангса»,
доклаттнень коряс корхтась

лама од ломань. Тяста няеви,
што комсомольский массаьс и
од ломатне оцю интереса то-
нафнихть художественнай ли-
тературат эзда, сявондсазь
сонь эздонза сембонь, мезсь
эряви тейст. Обсужденияса эрь
выступающайс корхтась сян
колга, кодама оцю воспита-
тельный значения максихть
книгатне.

Маскаев ялгаь (научно-ис-
следовательский институт) эсь
выступлениясонза лотксесь эр-
зянь литератураса од ломанть
образонц лангс. Сон няфтезе,
што мекольдён пингть эрянь
литератураса од ломанть няф-
темац мушенды оцю васта.
Кономанин, Э. Пятай поэттне
эсь стихотворениясон эса
няфнесазь минь эпохань од ло-
манть моральной обликонц,
этиканц. Сяс и синь кой-кона
стихотворениясон оцю инте-
рес мархта лувондсазь од ло-
маттне. Но тя нинге аф сембе.

Эрянь литератураса од ло-
манень обрасне няфневихть аф
сатомшкаста лама писателень

(Полатксонц 4-це стр.)

Аноклайхть испытаниятненди

Порапа велень аф полный средний школаса моли ётаф программный материалъ повторения. Сембода цебарьста повторядамась моли 7 класса физика и химия коряс, конатнен вятсыне В. Челматкин преподаватель. Материалъ повторядамста применениякшеви хъ наглядный пособия и стак тов.

Школаса оцю малья учыне тундань проверочный испытаниятнен. Эрь ученик ушедь цебарьста аноклама ся шитненди, мзярда няфтысь, кода сон тонафнесь 1940—1941 тонафнема кизоня.

Куколев.

Ковылинский р-н.

САМОДЕЯТЕЛЬНАЯ РАБОТАСЬ

Республиканский Политпросветшколаса цебарьста ладяф художественной самодеятельности работась. Школаса ули клуб, конац лац оборудован даф. Клубонь заведующий работай III-це курсонь ученик Кожевников ялгас. Сонь инициативанц вельде организован дафт краснай уголок, драматический, хоровой, музыкальный, танцонь и физкультурный кружок.

Лац работай драматический кружоксь, кося руководителкс ащи Николин ялгас. Март и апрель кофнень пингста ульсь путф 7 постановкат.

3-це курсонь ученик тиедихть разнай темас докладт. Например: международная аваншть колга тиедсь доклад Т. Ударовась, Маяковский творчеством колга—Кожевниковсь, международная положения колга—Пановсь и стак тов. Ульсь организован дафт 10 вечерхт, 7 художественно-политический книганы выставкат.

Вельмискин.

Краснослободке ош.

Теориять сотнесазь практикать мархта

Малавонь средний школаса естествознания уроке ётафневихть пяк шарьхкодеви и интереснайста, сяс мес синь сотфт практический работать мархта; материалъ теоретический ётамстонза учащайхне тиедихть пяк интереснай и ценнай опыт и наблюдений школьной переса.

Марнек школьной пересъ явф участка, конат кемокстафт классень мельге. Нат участканень лангса ученик и конаттне ётафнесазь эсь наблюдений.

Нинге сёксенда 1940 кизоня 9 классонь ученик марса конаттнен мархта тисть дарвинский площадка: кемонь квадратной метра лангс озафнесть фкя кизонь возрастса 100 пиченя. И вятихть наблюдения.

Сяка жа сёксеня школьной

пери видефт поздний озимой розь, шурьхкянь, пурьхкянь, марлю видмонь паньдть, конатнен мельге стане жа вятихть конаттне. Сембе эсь наблюденийсон тяшнесазь дневникост и «Юннат» журналозост.

Вятемок наблюдений, тиедемек опыт, ученик нинге сядя кемоста шарьхкотькшесазь материалъ, особенно дарвинский учения и практика саясз, кода растениятне тюрхть валдонкса, влаганкса и стак тов.

Юннатне, тонафнемок теоретически од сорт растения получамать и скрещивания, кармайт тяде садса скрещивать, конань вельде получайхть од сорт растения.

Ив. Дорожкин.

Рыбинский р-н.

ЮННАТОНЬ КРУЖОК

Оцю интерес мархта работайхть конаттне М. Пашалонь средний школат видеся кружокса. Юннатнен работасон лангса руководства вяти Мионовсь.

1941 кизоня Саранский конаттненди кучсть овощнай

культурань видмот, конатнен мархта синь тиедихть опыт.

Юннатне ящике видесть 5 сортт арбуз, 3 сортт дыня и разнай панчф видмот.

Дворецкий.

Пурдошанский район.



СНИМКАСА: Рузаевский железнодорожный училищань от- личницатне Макаровась и Кшовась. Фотось Касперть.

ЕВРОПАСА, АФРИКАСА И АЗИЯСА ВОЙНАСЬ

(10 и 11-це майста военнай действиятненъ дневниксна)

Англо-германский фронтса активна действондай английский авиациясь.

10 и 11-це майста виюста бомбардирован дафт Гамбург, Мангейм и Людвигсхафен германский ошне. Сядя ёмла отряйт атакован дазь Берлинть, Бременть, Эмденть, (Германия), Калеть, Булонть, (Франция), Остенденть (Бельгия), Роттердамть, Эймейденть (Голландия) и Южная Норвегиять аэродромонзон.

Кода азондсы германский сводкась, 11-це майнь карша веть германский истребительхне прафтсь 8 английский самолетт.

Германский авиациясь бомбардирован дасть Англияса и Шотландияса разнай объектт. 11-це майнь карша веть главной ударсь ульсь ладяф Лондонть каршес. Английский столица лангс налетсь молись 5 частонь пингс, и, кода корхтай Ассошиэтед Пресс агентствась, ульсь сембода ожесточеннай войнаны сембе пингт эзда. Английский даннайхненъ коряс, 11-це майнь карша веть Англиять велькса тапаф 33 германский самолет.

Абиссинияса английский войска тне нажимть вияфнесазь. «Таймс» английский газетать военнай обозреватель сёрмады,

што итальянский командованиясь всякай лаца старандай сядя куватенди таргамс операциятненъ Абиссинияса, штоба возможна сядя кувать кирдемс тоса ащи английский войска тненъ. Кода корхтай обозревательсь, абиссинский фронтса военнай компаниять мекольденъ этапонза пяк стават англичаттненди. Итальянцне пурпозь эсь виисон непростунай райоттненди, конатненъ тежда оборонасна. Тяниень пингт Абиссинияса итальянский войскада лувондови аф ламода 30 тежянда лама.

Иракса, английский командованиять сообщениянъ коряс, английский войска тне занял Хабабиять райононъ велькса господствующай возвышенность. Иракский частьне потайхть север шири, Рамади и Фалудже ошненъ шири. Юнай-тед Пресс агентствась азондсы, што иракский войска тне панжезь Евфрат лаять эзда плотинатненъ и ваяфтозь Фалуджаты и Багдадть ёткаста визиватненъ.

Иракский командованиять сообщенияса корхтати, што фронтъ западной участкасонза противниксь повсь стака положения. Иракский артиллериясь успешна ляцендсыне неприятельский позициятненъ.

(ТАСС).

Германиять лангс Английский авиациять налетонзон колга

«Бремер нахрихтен» германский газетась пачфнесы, што 9-це майнь карша веть английский авиациять крупнай соединениянза тисть налет Бремен ошть лангс. Английский самолетне ёрдасть несколько сядя фугаснай и несколько тежянь зажигательнай бомба. Кафта заводса тиевсь пожархт. Но синь курок ульсь машффт. Бомбардирован дафт ошть сембе кварталонза. Мар-

нек срафтф 10 зданият, 29 здания пяк колаф и несколько сядя куд получасть аф оцю поврежденият. Ошса тиевсь 45 пожар, конатненъ эзда ламось удалась шобдавати матоме.

Кода пачфнесы Берлинонь полицией-президентсь, Берлинь лангс английский мекольденъ налеттненъ пингста ульсь сёрдаф лама зажигательнай бомба. Ня бомбатненъ эзда тиевсь лама пожар.

(ТАСС).

Од ломанть образот советский литератураса

произведенияса, а кда няфневихть, то безжизненнайста.

Эряви азомс, што тя конференция ёфси питай ашесть анокла мокшень писательхнеи поэттне.

Кода няеск рузонь литератураса злободневнай темас сёрмафт произведениятне арась советский од ломаттненди инь кельгома каягас. Тяни лоткатама кизефксть лангс, кода няфневи мокшень литератураса од ломанть образот. Талантливый мокшень писатель Безбородовть «Волянка» и лия произведениядонза меле лиссть светс мокшень писателень и поэтонь лама труд. Пингта Безбородовть куломдонза меле ётась лама, но сембе саяк мокшень читательхне оцю мяльса лувондихть сонь произведениязон эса, аф юкснесазь синь. Но мес жа Безбородовда меле мокшень писательхненъ и поэтиненъ произведениясон ламосон мархта пяк кржа пользовандай мокшень читательсь? Тянди ответсь может улемс аныцек фкя, што Безбо-

родовсь правильнайста машть няфтемонза ся эпохат, конань колга сёрмадсь, правильнайста няфтезе мокшень народть ся пингонь эряфонь.

Тяка жа тематика коряс Н. Алемаевсь и Г. Ельмеевсь сёрмадсть Безбородовти подражанияса «Миколкань Татусь» и «Полю» поэмат. Синь эсост темась фкя. Но Алемаевти и Ельмеевти правильнайста ашесть няфтез общественной явлениятне и аф стак критикась и читательхне калдявста отзывакотся синь творениясон колга.

Пяк кржа писатель няфнесы колхозонь эса творческий трудть. Тяфтама произведениятне лувондовихть единицакс. Синь эздост инь удачнайкс лувондови колхознай трудть колга А. Карасевть «Чуднай сад» произведенияц. Сонь эсонза тячичень ломатть—минь колхозниконьке, конат тяников минь сельме инголенк тиедихть чудесат трудовой фронтса.

Илядыкс произведениятненъ эса мокшень литератураса апак ня ф т т ь социалистический

трудсь, сонь эсонза ломанть формирования. Мекольденъ кизотненъ эзда «Колхозонь эряф» журналсь и мокшень газетатне печатлакшнихть аф кржа произведеният, но синь эсост аш эряф. Нльне инь зрелай мокшень поэтть Дурновть произведениязон эса кайгихть нежнай кельгомань морхне. Виде, тя тематикась пяк цебарь. Кельгомань чувствась—тя ломанть инь чистай, инь вию чувстванза. Но минь од ломаненьконь фкя-фкянди кельгомань тиедени трудса.

«Ялгат тага неждеть—цёраняти стирнят: Щёканясна мазыхть, кода кстынят» (Сёксень шобдава стихотворенияста)

«Секрет» стихотворениясонза Дурнов поэтсь сёрмады: «Стирнят, мес тон краскаса Шаманяненъ вадендсак».

Дурнов поэтть произведениязон эса няфневихть ломатне эряфт эзда сязьфста. Аф сави лама корхтамс тяниень павазу и радостнай эряфт колга. Но эряфт павазу тиедены аныцек трудсь. И сяс читательсь мярьголь ба поэтти: «Няфтык ломанть трудса, а аф праздничнай эряфса». И эряви

азомс, што поэтть лисф «Юди» сборниксонза пяк лама сёрмадовти трудть эзда сязьфста нежнай кельгомань колга. Тематикань тяфтама жа рамкась Самошкинъ од поэтть стихотворениязон эса. Виде, лядьке поэттненъ коряс сонь творчествасонза улихть и лия темат, но тя темась занци лия тематненъ коряс сембодонга оцю васта. Эряви прибавамс сян, што стихотворениянза кельгомань колга аф удачнайхть.

«— Седизе шави. Мес—Катя?—Лангзон пси оцю прась». Сядя тов тяка жа «Катяти» стихотворениясонза поэтсь сёрмады: «— Корхтак, стирнят, Штоба машфтомс эздон жартъ».

Тяда меле авторсь «маты» кодама-бди «пожар». Тяфтама «жарда», «псида», «сидени шавомада» и «пожарда» пашкет А. Малькинъ произведениянза. «Ичкозде сёрма» стихотворениясонза авторсь сёрмады:

«Шумбрат, кельгоманязе, Паша, Од стирень поклон!»

И сембе стихотворенияса стирсь терди кельгома цёрань эса «инжикс». Саме ся пингть, мзярда «кенерихть куархне» и стак тов. Драй тяфта тиедени кельгомасть, драй куарда ярхцаз максевифкя-фкянди кельгомань чувствась. Аф мумок эряфса темат, Малькинъ тушенды пейзаженъ, природань няфтема области. 1941-це кизоня «Колхозонь эряф» журналса стихотворениязон эса, «Календарда» башка, морай природать эса, кона описаниясь васьфиеви мокшень поэттненъ и писательхненъ эрь вещасон эса. А синь эздост колама—«Горьф», «Кузня», «Казне», аф корхтамок художественнай ширде аф калдяв отделкасон колга, синь эсост «вжнай вармат», конат «вяшкхть куйкс», «валемала вармань увнамат» и стак тов.

Писательхненди и поэттненди эряви шарфтомс мяль читательский массат откликонзон шири, тонафнема эряфть, и эста аныцек можна максомс мокшень читательи высокохудожественнай, идейно-выдержаннай произведеният.

И. Белов.

Ответ. редакторъ

И. ЧУДАЙКИН.